



ANG

Pahayagan sa Partido Komunista sa Pilipinas - Isla sa Negros
Gigiyahan sang Marxismo-Leninismo-Maoismo

PAGHIMAKAS

Ispesyal nga Isyu • Bisaya nga Edisyon • Enero 2019



EDITORIAL

Atubangon ang de facto martial law sa Negros, palig-onon ang nasudnong pakigbisog batok sa pasistang diktadurya ni Duterte!

Gipalanat ni Rodrigo Duterte ang iyang pagkapyot sa gahom sa paggamit sa todo pasismo batok sa katawhang Pilipino nanguna sa rebolusyonaryong kalihukan, ang prinsipal nga babag sa iyang diktadurya.

Nagsalig si Duterte sa paggamit sa hingpit nga pagpanglupig ug pagpangilad aron ipabilin ang tibuok nasud sa iyang kontrol. Naabot na siya sa pagtugot sa arbitraryo nga pagpatay diha sa iyang gitawag nga mga “gyera” nga nakaangol na og liboan ka kinabuhi. Nagmugna siya og mga nagsalapid nga makaulaw nga mga bakak ug hokus pokus nga nisumbalik ug naghukas sa iyang pagtraidor ug dinagkoan nga korapsyon. Ang iyang kauhaw sa gahom nagduot kaniya sa pagluhod dili lang sa imperyalismong US kundili hasta sa mga karibal niini nga mga imperyalista sama sa China ug Rusya.

Wala’y duda nga nagkaduol na sa katapusan ang iyang rehimen pasabot padulong na mahikyang ang iyang pinakangil-ad nga karakter.

Bisan wala pa gideklara ang martial law sa tibuok nasud sa

pagkakaran, ang militarisasyon sa burukrasya pinaagi sa pagtudlo og kanhing mga taas nga opisyal sa Armed Forces of the Philippines (AFP) ug Philippine National Police (PNP) sa mga yaweng posisyon sa gobyerno sa esensya paghari militar. Sa kasamtangan, sobra 60 ka mga nagretiro nga heneral sa militar, direktor sa pulis, mga admiral ug colonel anaa sa iyang Gabinete ug uban pang ahensya sa gobyerno lakip na ang mga korporasyon nga gipanag-iya sa gobyerno. Kini nga *de facto martial law* magpasiguro sa paggamit sa tibuok makinarya sa estado para igarantiya ang resulta sa eleksyon sa Mayo 2019, isiguro ang *landslide* nga pagdaog sa mga suluguon ni Duterte, ug sa ingon makuha ang dakong suporta para sa peke nga pederalismo ni Duterte pasabot ang iskema sa iyang pasistang diktadurya.

Si Duterte ang labaw nga burukrata kapitalista sa iyahang rehimen. Hangtod anaa siya sa gahum iyang pakusgon ang pagpangawkaw ug pagpanghimulos pinaagi sa garapal nga pagpatuman sa mga polisiyang *neoliberal* susama sa programang “*Build, Build, Build*,” *rice tariffication*, *TRAIN law 1* ug *2*, pagbaligya sa teritoryo sa Pilipinas ug uban pa. Dugang matugsaw ang katawhang Pilipino sa kakabus ug krisis samtang gihatag ang kwarta sa katawhan sa langyaw’ng monopolyo kapital, mga lokal nga dagkong komprador ug, siyempre, sa iyang kaugalingon, iyang pamilya ug mga kroni.

Bisan sa iyang kalambigitan sa China, si Duterte nagpabiling papet sa imperyalismong US. Isip pangulo sa neokolonyal nga estado, padayon niyang gipalig-on ang iyang sumpay sa US ug nagpahigayon sa ekonomikanhon, politikal ug pangmilitar nga interes niini sa Pilipinas. Sa pagkakaran, ang Operation Pacific Eagle-Philippines (OPE-P) ang gihinganlang operasyon militar

sa US dinhi sa nasud nga nagpas-abot sa mas dakong kontrol sa imperyalistang US sa mga hisgutanan sa Pilipinas partikular sa AFP. Ang *martial law* sa Mindanao ug ang *terrorist-tagging* sa Communist Party of the Philippines (CPP) ug New People's Army (NPA) kabahin sa plano sa OPE-P.

Ang pagka-utok pulbura ni Duterte tataw sa Oplan Kapayapaan, ang mangtas nga *operational plan* sa kasamtangang rehimen nga subay sa doktrina sa “kontra-insurhensya” sa Estados Unidos. Maskin gyera batok sa droga, gyera batok sa Moro o gyera batok sa rebolusyonaryong kalihukan, kini tanan may kalabot nga pagpatay, pagtortur, ilegal nga pag-aresto ug pagpriso, pagmugna-mugna og mga kaso ug uban pang pagpang-abuso ug paglapas sa tawhanong kinamatarong. Ang kultura sa *impunity* nga gipaluyohan ni Duterte nag-awhag sa AFP ug PNP sa pagpatay nga walay pagbasol. Ang iyang himalikang nga baba gabuga og mga ngilngig nga mga bakak batok sa iyang mga kritiko ug mga kontra sa iyang pasistang paghari aron danihon ang publiko sa pagdapig kaniya. Ang iyang mga atake karon mas nagtutok sa rebolusyonaryong kalihukan. Resolbado sa pagbuhi og mas salbahis ug garapal nga kontra-rebolusyonaryong armadong kampanya sa 2019, gianunsyo ni tiranong Duterte ang *Executive Order 70* nga nagmugna sa “*national task force to end local communist armed conflict*” para sa pagpatuman sa *Whole-of-Nation approach*. Naglagot ug naulawan siya tungod ang iyang un-

ang deklarasyon nga pukanon ang NPA sa katapusan sa 2018 tataw ug lubos nga kapakyasan. Nagdugang pa gyud sa iyang kaulaw ang subli nga pag-atras sa natakda nga tagal sa pagtapos sa NPA gikan sa tunga-tunga sa 2019 ngadto na sa 2022.

Subay sa nasudnong paningkamot sa pagpakunhod sa rebolusyonaryong kalihokan, gigamit nga kapital ni Carlito Galvez nga kanhing AFP Chief of Staff ang nahitabong pagmasaker

sa siyam ka mamumuo sa kampo sa Hacienda Nene, Barangay Bulanon, Sagay City sa iyang pag-anunsyo sa “*todo gyera*” sa Negros sa ulahing bahin sa 2018. Gisundan kini sa deklarasyon sa *Memorandum Order 32* nga nagmando sa pagpakatag og dugang tropa sa Bicol, Samar, Negros Occidental ug Negros Oriental tungod sa giingong “*lawless violence*.”

Ang 3rd Infantry Division sa Philippine Army nagpatuman dayon og mga mayor nga kausaban. Ang Negros Oriental gibalhin sa langkob sa 302nd Brigade nga naghatag og wanang sa 303rd Brigade sa pagtutok sa iyang pwersa sa Negros Occidental. Usa ka Duterte-clone nga *commanding officer* ang gidestino sa 303rd Brigade para sa pagpakusog sa *de facto martial law* sa isla sa Negros. Si Col. Benedict Arevalo, pareho ni Duterte, adunay militarista ug opor-

tunista nga kinaya nga naggamit og dinagkong bakak, intriga, pangilad, pagpanghadlok ug pagpanghulga aron gub-on ang prestihiyo sa rebolusyonaryong kalihukan ug sa bisan unsang pamaagi ihimulag ang NPA gikan sa masa nga moresulta sa “kapildihan” sa NPA sa Negros. Si Brig. Gen. Ignacio Madriaga sa 302nd Brigade naliwat lang gihapon sa nangaraang mersernaryong AFP pareho sa iyang isig ka komander sa militar nga masinulundon sa pagsubay ug pagsunod-sunod sa usa ka mil-

itarista, tigpatay ug manyak nga commander-in-chief. Ilaha lang gipanalipdan ang pasista ug bayolenteng binuhatan sa AFP ug PNP ug sa proseso walay pagbati nga gipadaplin ang lehitimong pakigbisog sa mga batakang masa.

Sila Arevalo ug Madriaga pakyas sa pagtabon sa nagkakusog nga militarisasyon nga naglangkob sa arbitraryo ug walay kaluoy nga pagpamatay; ilegal nga pag-aresto; grabe nga pagpangabuso batok sa katawhan; walay undang nga pag-okupar sa mga komunidad ug panimalay; ug *psywar*, *intelligence* ug *combat operations* nga gipatuman sa ilang tropa sa kabanikanhan nga nagpasumangil sa pagpahigayon og “*peace and development*.” Pakyas usab sila sa pagtabon sa *extrajudicial killings*, mga masaker ug mga paglapas sa tawhanong kinamatarung sa kabanikanhan ug kasyudaran. Kinahanglan nilang dawaton nga ang mga Negrosanon ug katawhang Pilipino dili mailad. Ang sobra 50 ka politikal nga pagpatay sa Negros ubos sa rehimen US-Duterte lakip na ang masaker sa Sagay, pagpatay sa mga lider masa ug mga aktibista pare-



**ANG
PAGHIMAKAS**

Sa pagpalambo sa atoang Ang Paghimakas, hinaot nga ang tanan nga tigbasa motampo og mga balita, piktyur, istorya ug uban pa nga sinulat. Mangayo kami kaninyo og mga sugyot ug komentaryo sa pagpa-uswag niini.



angpaghimakas@yahoo.com



facebook.com/ang.paghimakas.58



angpaghimakas.wordpress.com

ho ni Atty. Ben Ramos, ug ang mga nagpadayong pagpamatay sa mga mag-uuma hilabi na sa pinakaulihing *crackdown* sa Negros Oriental anaa sa maduguong kamot sa AFP, PNP ug ilahang mga *paramilitary group*. Walay hokus pokus nga makatago sa ngilngig nga baho sa mga mabangis nga krimen sa AFP apil na ang ubang ahente sa estado batok sa katawhan.

Ang malampusong nahimo ni Duterte ug iyang mga sipsip nga kaubanan kay ang pag-angkon sa panghimaraot ug kasilag sa katawhang Pilipino. Ang rehimeng US-Duterte nagmugna og krisis nga mas labaw sa miagi nga nagduso sa katawhan sa pagsalmot sa daghang matang sa pakigbisog hilabi na sa armadong rebolusyon. Labaw pa silang madaugon sa pagtukmod sa katawhan nga mosalmot ug mosuporta sa NPA.

Miresulta kini sa dugang paglig-on sa rebolusyonaryong pwersa. Ug dugang kining molig-on sa main-antuson nga pakig-away batok sa kasamtangang pasistang kontra-rebolusyonaryong armadong kampanya sa rehimeng US-Duterte susama sa gibuhay niini sa nag-una nga mga estratehikong operational plans sa kada papet nga rehimen.

Para sa rebolusyonaryong kalihokan sa Negros, aron makapapel sa pagpakyas sa umaabot nga deklarasyon sa balaod militar sa tibuok nasud, kinahanglang atubangon ug pildihon ang “todo gyera” sa AFP sa Isla.

Ang NPA sa Negros kinahanglang makaangkon og rebolusyonaryong kusog pinaagi sa pagpahuyang sa kaaway diha sa paglunsad og mga taktikal nga opensiba nga mohatag og kusog nga hapak batok sa mga kriminal ug pasistang yunit sa AFP, PNP ug ilahang *paramilitary forces*. Ang mga madaugong taktikal nga opensiba magpakusog sa militante ug makig-awayon nga diwa dili lamang sa sundalo sa katawhan bisan sa masa mismo.

Kinahanglang buakon ang kahadlok nga resulta sa mga serye nga pagpamatay sa mga mag-uuma hilabi na sa brutal nga masaker sa Sagay ug *crackdown* sa Negros Oriental. Kinahanglang dili makalingkawas sa


ilang tubagon ang mga dagkong agalong yutaan sa ilang pagkonsentra sa halapad nga kayutaan ug padayong pagpanghimulos ug pagpanglupig sa mga hacienda. Ang kalihukang mag-uuma kinahanglang mapahiulan paagi sa mga kontra-pyudal nga pakigbisog gikan sa ang-ang sa hacienda, ngadto sa barrio ug ang-ang munisipalidad hangtod sa rehiyonal nga kampanya batok sa pyudal ug alang-alang pyudal nga mga porma sa pagpanghimulos. Ang panawagan para sa libreng pag-apod-apod sa kayutaan kinahanglang magbaniog sa tibuok isla sa Negros. Ang mga kontra-pyudal nga pakigbisog dili lang mokabot og ekonomikanhong kadaugan kundili politikal nga ginansya usab para sa demokratikong rebolusyon sa katawhan. Gikan sa mga kalampusan sa pakigbisog sa mga mag-uuma, ang mga lokal nga organo sa gahum pangpulitika motumaw ug molangkob sa demokratikong gobyerno sa katawhan sa mga mamumuo ug mag-uuma kaatbang sa reaksyunaryong gobyerno sa mga dagkong komprador, mga agalong yutaan ug mga burukrata kapitalista.

Gawas sa armadong pakigbisog nga nakabase nanguna sa kabanikanhan, kinahanglang palambuan ngadto sa mas labaw pa nga gidak-on ang ligal nga demokratikong kalihukan sa Isla. Kinahanglang ipaduso sa mga rebolusyonaryong pwersa sa kasyudaran ang awayan para sa ekonomikanhon ug demokratikong



ka-tungod sa mga mamumuo, kabatan-onan ug estudyante, kabus nga taga-dakbayan, alang-alang proletaryado ug tanang sektor nga nabug-atan sa nagkagrabeng kahimtangan ubos sa rehimeng US-Duterte. Kinahanglang nilang padak-on ang ilang ihap ug buhaton ang kutob sa makaya sa pagkabot sa tanang organisasyon, hugpong ug mga personalidad nga abli sa nasudnon-demokratikong tinguha ug nag-angkon sa sama nga kadiskontento ug pagbati og kapakyasan sa nagtunhay nga sistemang alang-alang kolonyal ug alang-alang pyudal. Ang mga kampanyang kontra-imperyalista ug kontra-pasista kinahanglang malambigit sa kontra-pyudal nga pakigbisog sa kabanikanhan. Ang katawhan sa Negros kinahanglang mapukaw, maorganisa ug mapalihok para sa nasudnon demokratikong rebolusyon pinaagi sa malanatong gubat sa katawhan.

Kuyog sa umalabot nga paghait sa kontradisyon labi na tali sa mga reaksyonaryo, kinahanglang determinado kitang magtukod sa pinakalapad nga nagkahiusang prente sa rehiyon batok sa pasistang paghari sa rehimeng US-Duterte ug sa lo-




ang nagkakusog nga militarisasyon sa kabanikanhan; isalikway ang mga bakak, intriga ug pangilad nga gipakuyanap sa mga Duterte-clone sulod sa AFP, PNP ug lokal nga panggamhanan; ug pakigbisogan ang *extrajudicial killings*, ang mga

Berdugong AFP, PNP responsable sa mga EJK sa Negros

Ang *crackdown* sa Negros Oriental niadtong Disyembre 27, 2018 gipatuman nanguna sa Guihulngan City, Mabinay ug Sta. Catalina. Unom ka inosenteng sibilyan ug mag-uuma ang gipatay, sobra 50 ang ilegal nga gidakop, dili moubos sa 20 ang ilegal

Ang bangis nga gipatay kay sila Jimmy Fat, Jun Kubol, Reneboy Fat, Jaime Revilla, Constancio Perida Languita ug Jesus "Don-don" Isugan nga anak sa lider pesante nga si Delia ug Dominador Isugan nga iligal nga gidakop human sa pagpatay sa ilang anak. Ang AFP ug PNP nag-ingon nga ang ilang mga gipatay ug gidakop mga sakop sa NPA aron dugang mahatagan rason ug mata-bonan ang ilang mga krimen.



AFP nakahiagom sa 27 kaswalidad sa Negros sulod sa January 2019

Gisugat sa mga yunit sa New People's Army ubos sa Apolinario Gatmaitan Command (AGC) - Negros Island ang 2019 sa mga sunod-sunod nga mga taktikal nga opensiba isip tubag sa demanda sa mga Negrosanon para sa hustisya human sa serye sa *extrajudicial killings*, mga ilegal nga pag-aresto ug pagpriso, mga paglapas sa tawhanong katungod ug pagpangawkaw sa Isla ubos sa rehimeng Duterte. Tubag usab kini sa panawagan sa CPP nga "maglunsad sa mga taktikal nga opensiba sa tibuok nasud" ug "ipanlimbasog ang tanang posibleng paningkamot para masilotan ang mga labing pasista nga mga yunit ug opisyal sa AFP nga nakahimo og mga seryoso nga mga krimen batok sa katawhan" human giaprobahan sa Kongreso ang paglanat sa balaod militar sa Mindanao ug samtang padayon ang rehimeng US-Duterte sa iskema niini sa pagpalapad sa paghari sa militar sa tibuok nasud. Ang AGC nagpanawagan usab sa mga Negrosanon sa pag-atubang sa kalisang nga gipakuyanap sa isla sa Negros ug paglunsad sa usa ka militante ug rebolusyonaryong pakigbisog kauban ang CPP, NPA ug NDFP ug tanan nga demokratikong pwersa sa nasud para pakyason ug palagputon ang rehimeng US-Duterte karong 2019.

Enero 2, 1AM. Gisilotan sa Mt. Cansermon Command (MCC) ang *Pilipinas Eco-Friendly Mining Corporation* tungod sa gidalang kadaot sa *open-pit mining operation* niini sa Ayungon, Negros Oriental. Naparalisa sa MCC ang operasyon sa mina sa pagguba sa walo ka *backhoe*, duha ka *payloader*, duha ka *dumtruck*, duha ka *generator* ug usa ka *rock crusher*. Ang kinatibuk-ang danyos gibanabana sa P120 milyon. Sukwahi niini, ang *extraction operation* sa PEMC sa 4,717 ektaryas nga kayutaan kuyog ang dili momenosa sa lima pa ka kompanya sa mina nakadislokar sa 3-5 ka barrio sa Ayungon, nakapekto sa 2,000 ektarya nga umahan ug panginabuhian palibot sa minahan, nakadaot og hapit liboan ka ektarya sa kahumayan sa Barangay Banban, ug magdala og kadaot sa mga kadagatan ug panginab-

uhian sa mananagat hinungdan sa *silt* (sangkap sa semento) nga nag-guba sa mga sapa, suba, sistema sa irigasyon hangtod sa kabaybayonan.

Enero 4, 2:04PM. Ang detachment sa 94th IB sa Barangay Linantuyan, Guihulngan City, Negros Oriental ug ang detachment sa Barangay Sikatuna, Isabela, Negros Occidental dungan nga giatake sa esnaying tim sa Leonardo Panaligan Command (LPC). Nakahiagom og 2 ka kaswalidad ang militar.

Enero 6, 5PM. Gipahamtangan og hustisya ang myembro sa CAFGU nga si Joseph Gavia sa Barangay Linantuyan CAFGU detachment, Guihulngan City, Negros Oriental. Gawas sa pagka aktibo sa CAFGU, aktibo usab si Gavia nga *intelligence asset* sa PNP ug AFP ug kanunay gapanghulga sa mga inosenteng mag-uuma gamit ang iyang pusil nga nagtanom og kakuyaw sa katawhan.

Enero 10, 7:45PM. Giharas sa usa ka yunit sa MCC ang *Temporary Patrol Base* sa 62nd IB sa Barangay Hilamonan, Kabankalan City, Negros Occidental. Samaron si Corporal Andin Jamison sa 62nd IB.


Enero 14, 8:40AM. Giesnayp sa usa ka yunit sa LPC ang trak sa militar nga puno sa tropa sa 94th IB sa utlanan sa Sitio Kiningag ug Kanlabaw sa Barangay Banwage, Guihulngan City, Negros Oriental. Sa pasiuna nga taho, siyam ka tropa sa 94th IB ang naangol.

Enero 18, 1:55PM. Usa ka yunit sa Armando Sumayang, Jr. Command ang naka-engkwentro sa mga sundalo sa 15th IB sa Sitio Pacama, Barangay Magballo, Kabankalan City, Negros Occidental. Walay manggugubat sa NPA ang nasamdan samtang ang 15th IB nakahiagom og 1 KIA ug 1 WIA.

Enero 19, 4:47AM. Duha ka *Peace and Development Teams* (PDT) sa 94th IB ang giatake sa LPC sa Guihulngan City, Negros Oriental. Gi-reyde ang PDT nga niokupar sa Barangay Tacpao Barrio Hall ug Day Care Center. Nakahiagom kini og 12 ka



kaswalidad human gigamit batok sa tropa militar ang *Command Detonated Explosive*. Naggamit og mga *hand grenade* ug *rifle grenade* sa sunod nga hugna sa atake. Ang bayloanay og buto nilanat og 28 minutos. Samtang ang lahi nga tim nagharas sa PDT nga nagbase sa Barangay Binobohan nga anaa usab sa Guihulngan City. Ang pinusilay nilanat og 15 minutos. **AP**



apolinariogatmaitan.wordpress.com



fb.com/apolinario.gatmaitan.npanegros



@npanegros



agc_npanegros@yahoo.com

Pahibaluon namo kamo!!